

OHR pozdravlja približavanje BiH europskim standardima u oblasti kontrole oružja

Viši zamjenik Visokog predstavnika Werner Wnendt danas je uputio dopis ministru obrane BiH, Nikoli Radovanoviću, izražavajući punu potporu ministrovoj odluci o donošenju moratorija na prodaju viška ručnog i lakog oružja iz oružanih snaga Bosne i Hercegovine.

“Kontinuirana proliferacija oružja i streljiva koje se nalazi u prometu širom svijeta može samo dodatno pridonijeti globalnoj nestabilnosti”, rekao je ambasador Wnendt u svom dopisu i naglasio da bi “pružanje pomoći u spriječavanju proliferacije oružja trebalo biti prioritet za BiH.” U svom dopisu, ambasador Wnendt opisuje moratorij na daljnju prodaju viška ručnog i lakog oružja kao “vrlo bitan korak za BiH u ispunjavanju njenih međunarodnih obveza i dovođenju zalihe oružja na mjeru odgovarajuću za BiH.”

Međunarodne obveze prema OESS-u i Ujedinjenim narodima obvezuju BiH da se zalaže za uništavanje oružja i streljiva, a ne da ohrabruje njihovu proliferaciju.

“Vrlo sam zadovoljan što ste zauzeli tako odgovoran pristup glede prodaje viška oružja iz oružanih snaga BiH. Nadam se i očekujem da će to otvoriti vrata novčanim sredstvima koja su potrebna za uništenje viška oružja i streljiva”, zaključio je ambasador Wnendt u svom dopisu ministru Radovanoviću.